




ԱՄԵՆԱՅՆ ՀԱՅՈՑ ՎԱԶԳԵՆ Ա ՀԱՅՐԱՊԵՏԻ ՀՈՎՎԱՊԵՏԱԿԱՆ ԱՅՑԸ ՍՅՈՒՆՅԱՑ ԹԵՄ

Վերջին տարիները Հայաստանայց Առաքելական Եկեղեցու համար կարելի է նկատել զարթոնքի շրջան: Կրոնական զարթոնքը իր շոշափելի արդյունքներն է տալիս թե՛ Մայր Հաղթենիքում և թե՛ Խորհրդային Միության հայաշատ շրջաններում:

Խորհրդային Միության մեջ ծավալվող վերակառուցման շունչը իր բարերար ազդեցությունն է թողնում նաև եկեղեցական կյանքի վրա: Մշակվում է «Խղճի ազատության մասին» օրենքը, որով լայն հնարավորություններ են տրվում հավատացյալներին, և նրանց կրոնական համուզմունքները ապահովվում են սահմանադրական իրավունքներով:

Հայաստանի տարբեր շրջաններում մեծ խանդավառությամբ կազմակերպվում են կրոնական նոր համայնքներ: Վերաբացվում են եկեղեցիներ և պատմական վանքեր:

Վերջերս պատմական Սյունյաց աշխարհում, որն իր մեջ ընդգրկում է Հայաստանի հարավային շրջանները, վերաբացվեցին Տաթևի հռչակավոր վանքն ու Մեղրիի Ս. Աստվածածին եկեղեցին: Եղեգնաձորում վաղուց գործող Ս. Խաչ վանքի և Սիսիանի Ս. Հովհաննես եկեղեցու հետ միասին Տաթևի վանքն ու Մեղրիի Ս. Աստվածածին եկեղեցին կազմեցին կրոնա-վարչական մեկ կառույց՝ վերածվելով ընդհանուր մեկ թեմի և կենտրոն ունենալով Տաթևի վանքը:

1989 թվականի ապրիլի 10-ին Մայր Աթոռ Ս. Էջմիածնում Ամենայն Հայոց կաթողիկոս Վազգեն Ա-ի քարձր նախագահությամբ տեղի ունեցավ Գերագույն Հոգևոր Խորհրդի հերթական ժողովը, որտեղ հաստատվեց Սյունյաց թեմի վարչական կառույցը:

Այսպիսով, Մայր Հայաստանում, Արարատյան Հայրապետական և Ծիրակի թեմերի կողքին կյանքի կոչվեց Սյունյաց թեմը:

Պատմական Սյունյաց աշխարհին մաս կազմող 12 գավառներից խորհրդային Հայաստանի մեջ են մտնում այսօրվա Եղեգնաձորի, Ագիզեկովի, Սյսիանի, Գորիսի, Ղափանի և Մելորիի շրջանները:

Սյունյաց Աթոռը Հայաստանյայց Առաքելական Եկեղեցու նշանավոր Աթոռներից է եղել: Նրա փառահեղ պատմությունը անհնարին էր մոռացության տալ, ուստի Ամենայն Հայոց կաթողիկոսը, վերակազմակերպելով, կյանքի կոչեց սուր պատմական թեմը և այն օծտեց եպիսկոպոսական Աթոռով, որին առաջնորդ կարգեց Մայր Աթոռ Ս. Էջմիածնի միաբան Տ. Ասողիկ եպիսկոպոս Արիստակեսյանին:

Հայոց Հայրապետը ընդառաջելով թեմակալ առաջնորդի, ինչպես նաև Սյունյաց աշխարհի ողջ հավատացյալների հրավերին, միշտ հարազատ մնալով իր հայրական մխիթարիչ ուժին, ուզեց անձամբ այցելել ե իր օրհնությունները տանել իր հավատացյալ ժողովրդին՝ Սյունյաց աշխարհի հարազատ գավակներին:

Նորին Սրբության հայրապետական այցելությունը տեղի ունեցավ ապրիլի 26—27 օրերին: Այդ օրերին պաշտոնական այցելությամբ Մայր Աթոռ Ս. Էջմիածնում էր գտնվում Մեծի Տանն Կիլիկիո կաթողիկոս Գարեգին Բ-ն: Ամենայն Հայոց Հայրապետը Կիլիկյան Աթոռի գահակալին իր շքախմբով հրավիրեց միասին այցելել և աղոթել Սյունյաց աշխարհի պատմական վանքերում և եկեղեցիներում:

• •

Ապրիլի 26-ին, առավոտյան ժամը 9-ին, Մայր տաճարի զանգերի քաղցրահնչյուն դողանքների ներքո հայրապետական թավորը առաջնորդվում է դեպի Մայր տաճար: Թափորին մաս են կազմում Մայր Աթոռից՝ Ամենայն Հայոց կաթողիկոս Վազգեն Ա-ին ընկերակցող Մայր տաճարի լուսարարապետ Տ. Հուսիկ արքեպս. Սանթրույանը և Սյունյաց թեմի առաջնորդ Տ. Ասողիկ եպս. Արիստակեսյանը: Մեծի Տանն Կիլիկիո կաթողիկոս Գարեգին Բ-ին ընկերակցում էին Տ. Տաթև արքեպս. Սարգսյանը, Տ. Մեսրոպ արքեպս. Աշճյանը, Տ. Սուրեն եպս. Քաթարոյանը, Տ. Բաբկեն աթղ. Չարյանը, Կիլիկյան կաթողիկոսության ազգային կենտրոնական վարչության անդամներ Տիարք Երվանդ Փամբուկյանը և Ոսկեբերան Արզումանյանը: Վեհափառին ողեկցում էին նաև՝ ՀԽՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ Տիար Ս. Վարդանյանը, տեղակալ Տիար Ռ. Զարգարյանը և «Խորհրդային Հայաստան» թերթի խմբագիր Շչորս Դավթյանը:

Մայր տաճարի Իջման ս. սեղանի առջև «Տեր, ուղղեա զգնացս մեր ի ճանապարհս խաղաղութեան» սաղմոսի ընթերցումից հետո Ամենայն Հայոց և Մեծի Տանն Կիլիկիո կաթողիկոսների թավորը մեքենաների շարայումով Մայր Աթոռ Ս. Էջմիածնից ուղևորվում է Սյունյաց աշխարհ:

Ծարապունը անցնում է գարնանաշունչ և ամենուր ծաղկունքով լեցուն Արարատյան դաշտով՝ աստվածաշնչական Արարատ լեռան հայացքի ներքո:

Հոգևոր առաջին հանգրվանը տեղի է ունենում Եղեգնաձորի սահմանի մոտ, ուր տեղի իշխանությունների ներկայացուցիչները՝ գլխավորությամբ շրջանի ղեկավար Տիար Ս. Թարվերդյանի, մի խումբ հավատացյալների հետ դիմավորում և բարի գալուստ են մաղթում Հայոց Հայրապետին: Տեղի է ունենում ավանդական հացի և աղի օրհնություն: Հետո ճանապարհը շա-

րունակվում է մինչև Ամադուի Նորավանք: Միջնադարի Աշտնակուր այս վանքում բազմաթիվ հավատացյալներ մեծ խանդավառությամբ և երկյուղածությամբ, արցունքները աչքներից, բարյուր ճյուղեր ու ծաղիկներ ձեռքներից, բարի գալստյան ցնծագին ողջույններ են հղում Հայոց Հայրապետին: Հուզված, բայց խորապես ուրախ Հայոց Հայրապետը տալիս է իր հայրապետական պատգամը: Այնուհետև կաթողիկոսներն ու շքախմբի անդամները ծանոթանում են Նորավանքի կառույցներին:

Հայկական ճարտարապետության այս Աշտնակուր կոթողը 18-րդ դարի սկզբին եղել է Սյունիքի հոգևոր կենտրոնը, Օրբելյան իշխանական տան տոհմական դամբարանը: Այստեղ են գործել միջնադարի Աշտնակուր ճարտարապետներ Սիրանեսն ու Մոմիկը: Գլխավոր եկեղեցին կրում է Ս. Կարապետ անունը. կառուցվել է 1216—1223-ին իշխան Լիպարիտ Օրբելյանի կողմից. ունի կից մի գավիթ, որը եղել է Օրբելյան տոհմի և վանքի առաջնորդների դամբարանը: Եկեղեցու հյուսիսային պատի երկայնքով ձգվում է Սմբատ իշխանի թաղածածկ դամբարանը՝ Ս. Գրիգորը: Հմայիչ է հուշեցնում իշխանի երկհարկանի դամբարան-եկեղեցին՝ Ս. Աստվածածինը: Արևելյան կողմում պահպանվել են մեծ առանձին շենքերի մնացորդներ և այլ շենքերի հիմնապատեր:

Ս. Կարապետ եկեղեցու գավթում Վեհափառ Հայրապետին դիմավորում է Եղեգնաձորից ժամանած երգչախումբը, որն իր կատարողական բարձր արվեստով հնչեցնում է սրբազան պատարագից մի քանի հատվածներ:

Վեհափառը օրհնում է երգեցիկ դասին, ինչպես մեծ աներկա հավատացյալ ժողովրդին:

Ի պատիվ Վեհափառ Հայրապետի և Անթիլիասից ժամանած պատվիրակության Եղեգնաձորի տեղական իշխանությունների ներկայացուցիչները ճաշկերույթ են կազմակերպում կիրճի մեջ գտնվող գեղատեսիլ դաշտում: Բացօթյա ճաշկերույթն անցնում է ուրախ և խանդավառ մթնոլորտում: Տեղի է ունենում մկերների փոխանակում:

Հավարտ ճաշկերույթի Հայոց Հայրապետը Մեծի Տան Կիլիկ կաթողիկոսի և շքախմբի անդամների հետ միասին ուղևորվում է Եղեգնաձորի քաղաքային հրապարակ, որտեղ համախմբվել էին շուրջ 15.000 հավատացյալներ: Հուզիչ էր Վեհափառի մուտքը հրապարակ: Իրենց համագգեստներով երկշարք-կանգնած երկսեռ դպրոցական աշակերտները ծաղիկների փնջեր էին նետում երկու Հայրապետների ոտքերի առջև, որոնք առաջին անգամ էին ընթանում Վայոց ձորի սրբազան հողի վրա: Թափոթով երկու կաթողիկոսները առաջնորդվում են դեպի հրապարակի պուրակը, որտեղ կատարվում է ծառատնկման սրբազան արարողություն: Հայոց Հայրապետն ու Գարեգին Բ կաթողիկոսը ծիրանի տնկիներ են տնկում հրապարակի պուրակում:

Լեփ-լեցուն է հրապարակը. աշակերտներ, երիտասարդներ, տղամարդիկ և կանայք: Հուզված ու անհամբեր հավատացյալները ցնծության բացականչություններով Հայ Եկեղեցու գահակալներին առաջնորդում են հրապարակի կենտրոն, որտեղ Ամենայն Հայոց կաթողիկոսը տալիս է իր հայրապետական պատգամը.




ს. მ. ბერიძის (მეორე) და ს. მ. ბერიძის (მესამე) ფოტო




ՕՐՀՆՈՒԹՅՈՒՆ ՄԱՆԿԱՆ



ԵՐԿՈՒ ՀԱՅՐԱՊԵՏՆԵՐԸ ԽՐԻՄՅԱՆ ՀԱՅՐԻԿԻ ՀՈՒՇԱՍՅԱՆ ԿՈՂՔԻՆ
27 ապրիլ 1989 թ.




Ս. ՏԱԹԵՎԻ ՏԱՄԱՐԻ ԾՐՁԱՓԱԿՈՒՄ




Ս. ՏԱԹԵՎԻ ՓՈԲՐ ԵԿԵՂԵՑԻՆ ՎԵՐԱԿԱՆԳՆՎԱԾ Է



ՏԱԹԵՎԻ ՎԱՆՔԻ ՆՇԱՆԱՎՈՐ ԾԱՌԺԱԿԱՆ ԱՅՍԱՆ ԱՌՍՋ



Երևանի Վարդանանյան պալատի շենքի մեջ Վարդանանյան պալատի շենքի մեջ



ՀՈԳԵՀԱՆՔԱՅՑԱՆ ՊԱՀ ԱՆՍՏԱՐ ԿՐԱՄԻ ՇՈՒՐԶ

24 ապրիլ, 1989

ՎԱԶԳԵՆ Ա ԿԱԹՈՂԻԿՈՍԻ ԽՈՍՔԸ ԵՂԵԳՆԱԶՈՐԻ ԺՈՂՈՎՐԴԻՆ

Սիրեցյալ ժողովուրդ մեր,

Ես գալիս եմ Սուրբ Էջմիածնից՝ Ամենայն հայոց հայրապետության կենտրոնից և բերում եմ ձեզ բոլորիդ իմ հայրական ողջույնը և հայրապետական օրհնությունը: Եկել եմ այս անգամ ոչ մեմակ, այլ իմ հոգևոր, հարազատ եղբոր հետ՝ կաթողիկոսը Մեծի Տանն Կիլիկիո, որ այսօր իր Աթոռը հաստատած է Լիբանանի մեջ, Անթիլիասում: Տարագիր Աթոռն է այս՝ Կիլիկյան Հայաստանից քշված, ցեղասպանության սև տաթիների ընթացքում: Մենք եկել ենք երկուսով և մեր մյուս հոգևոր եղբայրներով: Եկել ենք ձեզ մոտ, ձեր չքնադագեղ այս աշխարհը՝ այցելություն տալու ձեր պատմական հոգևոր կենտրոններին, վանքերին, եկեղեցիներին, որոնք մեծ համբավ ունեն հոգևոր, մշակութային և ազգային իմաստով: Իսկ հիմա եկանք ձեր այս քաղաքը՝ Եղեգնաձոր, և միասին ծառ տնկեցինք: Երկուսով հոգեկան անհուն մխիթարությունը ունեցանք ձեր կողքին լինելու և ձեր տնկած ծառերի կողքին երկու ծառ ևս ավելացնելու: Մեր բանաստեղծներից մեկը ցեղասպանության տարիներից հետո, քսանական թվականներին, երբ հայ ժողովուրդը ողբի, լացի և հուսահատության անդունդի եզրին էր հասած (համայն հայությունը ի Հայաստան և ի սփյուռս աշխարհի մահատակաց հիշատակը ոգեկոչեց երկու օր առաջ, ապրիլի 24-ին), մի հայ նշանավոր բանաստեղծ մի քանի տող արձանագրեց թղթի վրա, բայց նրա արձանագրությունը մնաց անջնջելի նաև մեր հոգիներում: Նա գրեց. «Մեռելներուս իբրև խաչ ես այս ծառը տնկեցի»: Բանաստեղծի այս խոսքերը արտահայտում են այն մտածումը, թե մեր մեռելների, մեր մահատակների հիշատակը պահելու, սրբացնելու, պանծացնելու, ծաղկեցնելու ամենահզոր միջոցը ծառ տնկելն է, երկիրը շենացնելն է, մեր մայր Հայաստանը ծաղկեցնելն է: Ահա այդ զգացմունքով ես այսօր ծառ տնկեցի ձեր այս գեղեցիկ քաղաքի հողում և մաղթում եմ ու աղոթում, որ Աստված ձեր աշխարհը միշտ խաղաղ, ապահով պահի, պահպանի և մեծ կորով ու եռանդ պարգևի մեր բոլոր բանվորներին, բոլոր մտավորական ուժերին, երիտասարդության մանավանդ, որպեսզի նրանք շարունակեն իրենց հայրենաշեն աշխատանքը և էլ ավելի ծակեցնեն այս չնաշխարհիկ երկիրը: Միշտ է, մենք անցյալ տարի դժվար օրեր ապրեցինք, տագնապներով լեցուն, մանավանդ երկրաշարժը ուժեղ, ծանր հարված հասցրեց մեզ, բայց մենք նույն ժողովուրդն ենք ու չենք կարող հուսահատվել, չենք կարող տկարանալ, ընդհակառակը, այսպիսի շրջաններին, պատմության՝ ընթացքում էլ, հիմա՝ էլ հայ ազգը դառնում է մեկ սիրտ—մեկ հոգի, միասնական և մեկ բռունցք, որպեսզի իր բոլոր դժվարությունները հաղթահարի և հասնի իր ազնիվ իդեալների իրականացման:

Թող Աստված ձեզ օրհնի և օգնական մնա այժմ և միշտ և հավիտյան. ամեն:

Ես ցանկանում եմ, որ այժմ լսեք նաև օրհնության մի քանի խոսքեր Գարեգին Բ կաթողիկոսից:

ԳԱՐԵԳԻՆ Բ ԿԱԹՈՂԻԿՈՍԻ ԽՈՍՔԸ ԵՂԵԳՆԱԶՈՐՈՒՄ

Թանկագին, արյունակից եղբայրներ և փայլեր: Իմ հոգևոր, սրտակից ավագ եղբայր Վազգեն Ա կաթողիկոսն Ամենայն Հայոց ասաց իր սրտի խոսքը, որ իմ էլ սրտի խոսքն է: Այդ խոսքի մեջ ոչ մի տարբերություն գոյություն չունի և չի կարող ունենալ: Ինչպես նա ասաց, ես եկել եմ հեռավոր արտասահմանից, Հայաստանի սահմաններից դուրս ապրող հայության մեկ բնակավայրից՝ Լիբանան երկրից: Հայաստանյայց եկեղեցու սմբողջությանը մաս կազմող պատմական մեր Կիլիկյան Հայաստանի կաթողիկոսության ներկա սպասավորն եմ ես՝ կողքին կանգնած Ամենայն Հայոց Վեհափառ Հայրապետի, Այրարատյան Մայր Աթոռ Սուրբ Էջմիածնի:

Ես չորս ամսվա մեջ երկու անգամ Հայաստան եկա, ի Սուրբ Էջմիածին: Առաջին անգամ դեկտեմբերի 15-ին, Լեւոնականի այդ ահավոր աղետից հետո: Ավերակ էր Հայոց աշխարհում: Ցավ էր Հայոց սրտերում: Բայց ես այդ ավերակների միջից, այդ ցավի միջից տեսա մեր ժողովրդի անխորտակելի կամքը իր հայրենիքը վերաշինելու: Եվ այս անգամ եկել եմ իմ ձեռքը Վազգեն Վեհափառի և հայրենի պետության ձեռքերի մեջ դնելու և միասին աշխատելու: Այսօր մեր միջև սահման չկա, բաժանում, աշխարհագրական անջատում չկա:

Ես այնքան ուրախ եմ այսօր, որ գտնվում եմ Նդեգնաձորում, դեպի Տաթևի վանքը տանող հանապարհի վրա: Ես Հայաստանում չեմ ծնվել ձեզ նման, Հայաստանում չեմ մեծացել, բայց իմ մայրենի լեզուն իմ արյան մեջ եմ գգում, որովհետև առանց այդ լեզվի, առանց այդ հայրենիքի մենք աշխարհում նետված ծառի տերևներ ենք՝ չորանալու դատապարտված: Թող Աստված մեր արմատներին կյանք տա. այդ հողով ենք մենք հայ, լինի այստեղ, լինի արտասահմանում, լինի այս երկնքի տակ կամ որևէ այլ վայրում երկրագնդի վրա: Շատ եմ կարդացել պատմությունը Նդեգնաձորի. Վայոց ձորի: Այժմ գալիս եմ Նորավանքից, որ գոհար մի ստեղծագործություն է, հայի հոգու գոհար ստեղծագործություն: Քարերի վրա հայի հոգին է խոսում, խաչաքարերի մեջ հայ մարդը իր հավատն է պատմում: Այստեղ է, ձեզանից ոչ շատ հեռու, Գլաձորը: Գրքերի մեջից կարդացել եմ Եսայի Նշեցու, Ներսես Մոկացու, Հովհան Ռոտունեցու, Գրիգոր Տաթևացու մասին: Մեզ հսկաներ են, մեծ մտքեր, մեր ժողովրդի հոգուն կյանք տվող, գաղափար տվող, ազգության ամրացում տվող դեմքեր են: Հաղորդվեցեք նրանց հետ: Բայց գրքի մեջ կարդալը ուրիշ բան է, ժողովրդին տեսնելը՝ ուրիշ բան:

Ես փակում եմ իմ խոսքը միայն մի նախադասությամբ: Մենք հազարամյա պատմություն ունենք, հարուստ անցյալ: Նայեցեք ձեր շուրջը այս վանքերին, պալատներին, որոնք այդ անցյալի վկայություններն են, բայց մենք նաև ապագա ունենք և ոչ միայն անցյալ: Մենք ապրում ենք ոչ թե անցյալի համար, մենք անցյալից ուժ ենք առնում գալիքի համար, մեր ապագայի համար: Եվ, սիրելի երեխաներ, դպրոցականներ, գիտե՞ք ինչ այսօր ի՞նչ ուրախություն պարգևեցիք: Դուք Վեհափառի ասած կանաչ ծառն եք մեր ազգի մեջ, դուք մեր աչքն եք՝ բացված դեպի մեր ապագան: Այս սուրբով ես իմ խոր շնորհակալությունն եմ հայանում մեր հայրենի պետական իշխանությանը, որոնք իրենց աչքի բիբի պես գուրգուրանքով պահում են մեր հայրենիքը: Ես Երևանում տեսա Գերագույն Խորհրդի նախագահության նախագահ տիար Ռսկանյանին, անցյալ անգամ տեսել էի մեր վարչապետին, այսօր էլ կրոնական գործերի նախարար պարոն Վարդանյանը ընկերակցում

է մեզ: Այստեղ դուր ունեն պետական և կուսակցական պատասխանատու անձնավորություններ: Նրանց հոգին այս [էջ] հետ է, այս ժողովրդի հետ է, այս ժողովրդի ապագայի համար է: Նրանց կոչումը և առաքելությունը այդ է: Մենք նրանց գնահատում ենք իրենց հայրենակներ աշխատանքի համար: Նկեմ, ուրեմն, ձեռն-ձեռնի տանք, հայրենիքը շենացնենք, որպեսզի աշխարհը տեսնի, որ հայը ոչ միայն եղել է, այլ որ է՝ և լինելու՞ց է»:

Այնուհետև ցնծությամբ քացականություններով ու ծափողջույններով Հայոց Հայրապետը և Գարեգին Բ կաթողիկոսը իրենց շքախմբերով դուրս եկան հրապարակից և ուղևորվեցին Սիսիան:

ԴԵՊԻ ՍԻՍԻԱՆ

Սիսիանի շրջանի սահմանամերձ գոտում Վեհափառ Հայրապետին դիմավորելու էին եկել շրջանի քաղաքային իշխանության ներկայացուցիչները՝ գլխավորությամբ շրջանի ղեկավար տիար Հ. Առաքելյանի, մահ մի խումբ հավատացյալներ: Նրանք բարի գալուստ են մաղթում մեծարգո հյուրերին: Տեղի է ունենում ավանդական աղ ու հացի օրհնություն: Այստեղ Վեհափառին և նրան ուղեկցող անձանց հրաժեշտ են տալիս Եղեգնաձորի քաղաքային իշխանության ներկայացուցիչները: Ծանապարհը շարունակվում է մինչև Սիսիանի Ս. Հովհաննես եկեղեցի: Գեղեցիկ բարձունքի վրա կառուցված 7-րդ դարի հռիփսիմեատիկ տաճարի շուրջ համախմբվել էին շուրջ 15.000 հավատացյալներ, որոնք կարոտի մեծ խանդավառությամբ սպասում են Լուսավորչի 130-րդ գահակալին:

Եկեղեցու մուտքի առջև Սյունյաց թեմի հոգևոր դասը զույգ բուրվառների ճոճքով, «Հրաշափառի» գեղեցիկ երգակցությամբ տաճար է առաջնորդում Ամենայն Հայոց Հայրապետին և Գարեգին Բ կաթողիկոսին: Բեմի առջև, խուռներամ հավատացյալների մեջ Հայոց Հայրապետն ու Գարեգին Բ կաթողիկոսը ընթերցում են «Օրհնությունք Աստիճանաց» սաղմոսը, որից հետո բարձրանում են բեմ, որտեղից համայն հայության Հայրապետը տալիս է իր հայրապետական պատգամը:

ՎԱԶԳԵՆ Ա ՀԱՅՐԱՊԵՏԻ ԽՈՍՔԸ ՍԻՍԻԱՆԻ Ս. ՀՈՎՀԱՆՆԵՍ ԵԿԵՂԵՑՈՒՄ

Սիրելի հավատացյալ ժողովուրդ մեր: Իմ կյանքի ամենաերջանիկ օրերից մեկն է, որ ապրում եմ այսօր՝ այցի գալով Սյունյաց աշխարհը և մահավանդ մուտք գործելով այս աղոթքի տունը՝ ս. տաճարը: Այս հավատքը մեր նախնիները մեզ ժառանգ թողեցին իբրև կյանքի ուղեցույց: Դա է մահավանդ մեր ազգի հպարտությունը: Մեր ժողովուրդը քրիստոնեությունը ընդունել է ո՛չ իբրև արտաքին զգեստ, այլ իբրև իր հոգու անբաժան մասը. քրիստոնեությունը շաղախվել է մեր ժողովրդի ազգային գիտակցությանը և ոգուն այն աստիճան, որ մենք դարերից ի վեր ապրել ենք, ապրում ենք և դեռ պիտի շարունակենք ապրել իբրև քրիստոնյա ժողովուրդ:

Ապա Վեհափառ Հայրապետը մեծ ոգևորությամբ մշում է ալն պայքարը, որ մեր ժողովուրդը դարերով մղել է հանուն իր հավատքի և հայրենիքի:

«Մեր Եկեղեցին մույնպես դժվար կացություն ապրեց անձի պաշտամունքի շրջանին,—շարունակում է Վեհափառը:—Բայց, փառք Աստուծո, այդ բոլորը անցան. և այս վերջին տարիներին մաճավանդ, այս վերակառուցման, վերանորոգման և վերածննդի առիթներին մեր Եկեղեցու առջև լայն ճանապարհ բացվեց, որպեսզի իր առաքելությունը կարողանա շարունակել: Մենք մեր լուսաբացի ճանապարհի առաջ ենք գտնվում և՛ եկեղեցական իմաստով, և՛ ազգային զարգացման, և՛ առաջադիմության»:

Վեհափառ Հայրապետն այնուհետև անդրադարձավ երկրաշարժի հետևանքներին, հանրապետությունում տիրող ծանր վիճակին և կոչ արեց ուժերը համախմբել համազգային միասնությանը՝ պատվով դուրս գալու համար տարերային աղետի պարտադրած իրավիճակից:

Իր խոսքի վերջում Նորին Սրբությունն անդրադարձավ Սյունյաց չըքնաղ աշխարհի գեղեցկությանը և պատգամեց հավատարիմ մնալ հայրենի հողին և ազգային ավանդություններին:

Ապա Ամենայն Հայոց Հայրապետը հրավիրեց Մեծի Տանն Կիլիկիո Գարեգին Բ Կաթողիկոսին՝ մույնպես տալու իր օրհնությունը:

Գարեգին Բ Կաթողիկոսը, դիմելով հավատացյալ բազմությանը, ասաց.

«Առաջին անգամ Վայոց ձորի, Սյունյաց աշխարհի, Զանգեզուրի մեր հայաշունչ աշխարհն ենք գալիս երկու կաթողիկոսներով՝ նույն օրհնությունը, նույն սերը, նույն հավատքը բաշխելու ձեզ բոլորիդ:

Ինչ որ Ամենայն Հայոց Վեհափառ Հայրապետն ասաց, ես էլ ստորագրում և այդ պատմական թուղթը հանձնում եմ այսօր ձեր բոլորի սրտերին:

Չուշանանք, միշտ արթուն մնանք: Մեր պատմության մի ուրիշ տարբերակն էլ այն է, որ մի ուրիշ ցեղ էլ գտնվեց, որ կարծեմ Աստված չէր ստեղծել, չգիտեմ որտեղից ծագեց այդ ցեղը, որին Աստված հող չէր տվել, բայց նա մեր հողը գրավեց, ամբողջ Արևմտահայաստանը ամայացրեց իր բնիկ ժողովրդից, մեկուկես միլիոն հայեր ջարդվեցին, բայց մենք վերապրեցինք»:

Ապա Գարեգին Բ Կաթողիկոսը անդրադարձավ Սյունյաց աշխարհի պատմության մի քանի կարևոր անցքերին, հայ ժողովրդի պատմության մեջ հավատքի դերին և հետևյալ հորդորն ուղղեց ներկաներին.

«Կառչեցե՛ք այս հողին, այս սուրբ հողին. հերոսներ են ծնվել այս հողից. իմ ծնողները վտարվեցին հենց հայրենի երկրից: Իմ հայրն ու մայրը գաղթի միջից են անցել, անապատի ավազներից են անցել, բայց մեզ թողել են այս լեզուն, թողել են սիրտ, թողել են Քրիստոսի հավատքը և Սուրբ Մեսրոպի գիրքը:

Ապրեցե՛ք այնպես, որ պատիվ բերե՛ք մեր ազգին»:

Ապա Նորին Սրբությունը մաղթեց, որ Սիսիան քաղաքն աճի, հոգով զորանա, ամրանա, շրջակա ժայռերի պես ամուր մնա, հողերի պես բարեբեր դառնա, և այսպիսի փառահեղ տաճար կանգնեցնող մեր հայրերի հավատքը հավիտյան կենդանի մնա. «Հողին կյանք տաք և հողից կյանք առնեք, որ Աստծուն ասեք. «Աստված, Հայր մեր, դու քար տվիր մեզ, մենք

տաճար տվինք ձեզ, դու քար տվիր մեզ, մենք խաչքար տվինք ձեզ, դու հող տվիր մեզ, մենք պարտեզ տվինք քեզ: Ամենք:

Հավարտ արարողության Սիսիան քաղաքի ղեկավար անձանց առաջնորդությամբ երկու Հայրապետներն իրենց շքախմբերով առաջնորդվում են հանգստի վայր: Մեկժամյա հանգստից հետո Վազգեն Ա կաթողիկոսը Գարեգին Բ կաթողիկոսի և նրա շքախմբի մյուս անդամների հետ միասին այցելում է Շաքիի ջրվեժը՝ մի պահ հրապուրվելու Որոտանի բնական հրաշքով, բնության անկրկնելի գեղեցկությամբ: Ըստ ավանդության, ջրվեժը կրում է անունը այն սեռաչառու երկարավարս հայունի, որը գերադասեց քարածայռերից իրեն կիրճը նետել, քան ենթարկվել Լենկ Թեմուրին հարստանելու մտադրությամբ իրեն հետապնդող արյունոտ զինվորների դժմի կամքին: Ջուրը ցած է հոսում 18 մետր բարձրությունից և կիրճում ստեղծվում է հրաշապատկեր, անզուգական մի գեղեցկություն:

Երեկոյան ժամը 19-ին, ի պատիվ Վեհափառ Հայրապետի և Անթիլիասից ժամանած պատվիրակության, շրջանի ղեկավար անձինք տալիս են պաշտոնական ճաշկերույթ: Ծաշկերույթն անցնում է ջերմ մթնոլորտում:

Բաժակաճառով հանդես է գալիս Սիսիանի շրջանի առաջին քարտուղար Հենգել Առաքելյանը, որը ողջունում է Ամենայն Հայոց կաթողիկոս Վազգեն Ա-ի օրհնաբեր այցը Սիսական աշխարհ և բարի գալուստ մաղթում Մեծի Տանն Կիլիկիո կաթողիկոս Գարեգին Բ-ին, ինչպես նաև շքախմբի բոլոր անդամներին՝ նշելով. «Այսօրվա այցը սովորական այց չէ, այսօրվա այցը պատմական է, որ կարծում եմ ընդմիշտ կգրվի Սյունյաց աշխարհի տարեգրության մեջ: Վեհափառ Տեր, ուզում եմ ավելացնել, որ մեր ժողովուրդը Ձեզ շատ է սիրում, որովհետև Դուք միշտ եղել եք մեր ժողովրդի ազգային ազնիվ իղձերի արտահայտիչը»:

Ապա Իր հայրապետական օրհնությունն է բաշխում Ամենայն Հայոց Վեհափառ Հայրապետը՝ ասելով.

«Ձգացված եմ այս արտակարգ ջերմ ընդունելության համար, որ պարտավորեցնող էր: Շնորհակալություն գնահատանքի խոսքերի համար»:

Ապա Նորին Սրբությունն անդրադառնում է իր անցյալին՝ նշելով այն պայմանները, որոնց մեջ նա ընդունել է իր եկեղեցական կարգը, հիշատակում է իր մի շարք այցելությունները Հայաստան և սրբալույս մյուռոնով իր օծումը որպես Ամենայն Հայոց կաթողիկոս՝ մատնանշելով, որ, իբրև եկեղեցական, իր առաքելությունը իրագործվել է Հայրենիքի հետ շփումով, Էջմիածնի Մայր տաճարի կամարների տակ՝ համոզված, որ եկեղեցական ասպարեզում կարող է ավելի օգտակար դառնալ իր ժողովրդին:

Նորին Սրբությունն իր խոսքն ավարտում է այսպես.

«Այդ գիտակցությունն է, որ ինձ մղեց աշխատանքի: Եվ եթե իմ սովորական կարողություններից մի քիչ վեր բարձրացու, այդ ոչ թե իմ շնորհն էր, այլ այն ոգին, որ ինձ ներշնչեց Էջմիածնի սուրբ քարերից, անշուշտ նաև այն նպաստավոր պայմանները, որոնց մեջ ապրեցի: Ես բախտավոր կաթողիկոս եղա, որովհետև մեր պետական իշխանության կողմից, կարող եմ ասել հենց սկզբից, բարյացակամ վերաբերմունքի եմ հանդիպել: Այս այցելությամբ ես համոզվեցի, որ, թեև երեսուն տարուց ավելի է, ինչ Հայաստանում եմ, դեռ ամբողջապես չեմ ճանաչել Հայաստանը: Այս այցե-

լուծյալն ոչ միայն ավելի ճանաչեցի մեր հայրենիքը, մեր ժողովրդին, այլ ավելի ճանաչեցի նաև ես ինքս ինձ, իբրև հայ: Առավել հասկացա այս ժայռակերտ աշխարհի մեջ ժայռակերտ հոգին մեր ազգի, որ անբաժանելի է այս բնակավայրից, այս հողից, այս սրբություններից:

Ահա այս զգացումներով ես կցանկանայի բաժակ բարձրացնել ժայռակերտ հոգի ունեցող մեր ազգի կենացը: Կեցցե՛ հայ ժողովուրդը»:

Ապրիլի 27-ին, առավոտյան ժամը 10-ին, նախաճաշից հետո, Վեհափառ Հայրապետն իր շքախմբով այցելում է շրջկենտրոնից երեք կիլոմետր հեռու գտնվող մեր թվագրությունից առաջ 2-րդ հազարամյակի մեգալիթյան դարաշրջանի կառույցը: Վեհափառ Հայրապետն ուշադրությամբ դիտում է հզոր քարերը, որոնք հետաքրքրական վկաներն են անցյալի պատմության:

Ժամը 10.30-ին մեքենաների շարասյունը ուղևորվում է Գորիս:

Գորիսի շրջանի սահմանամերձ գոտում Վեհափառ Հայրապետին դիմավորության էին եկել շրջանի քաղաքային ներկայացուցիչները՝ գլխավորությամբ տիար Ռ. Ալեքսանյանի, ինչպես նաև հավատացյալների խումբը: Բարի գալուտյան մաղթանքներից հետո տեղի է ունենում ավանդական հացի և աղի օրհնություն: Ապա Վեհափառին հրաժեշտ են տալիս Սիսիանի ղեկավար անձինք: Այնուհետև ճանապարհը գեղատեսիլ վայրերով շարունակվում է մինչև Տաթև: Ծանապարհներից փոխած գյուղերում, լեռների լանջերին, ամենուր կանգնած են հավատացյալների հոծ բազմություններ: Դպրոցական աշակերտներ, ծաղիկների ու ճյուղերի ճոճքով, ցնծագին ողջուններով և խանդավառությամբ բարի գալուտյան խոսքեր են ուղղում Ամենայն Հայոց կաթողիկոսին, Մեծի Տանն Կիլիկիո կաթողիկոսին և շքախմբի մյուս անդամներին:

Տաթևի ձորում, Սատանայի կամրջի մոտ, հանքային բնական ջրերի ափին, մի պահ մեքենաների շարասյունը կանգ է առնում. դուրս է գալիս Հայրապետը և հրապարակում բնության զարմանահրաշ անձեռակերտ գեղեցկություններով, ապա հայացքն ուղղում դեպի բարձունքը, որտեղ ժայռի վրա վեր է խոյացել Տաթևի հուշակավոր վանքը, կապույտ երկնքի ու ժայռերի սահմանագծում, որպես քարեղեն բուրվառ: Ոլորապտույտ գեղեցիկ ճանապարհով ավտոմեքենաներն սկսում են բարձրանալ: Ներքևում Տաթևի ձորն է՝ գեղեցիկ ու հմայիչ: Գարնան գմբուխտի ու ծաղիկների գույնզգույն խաղը արևի հորդառատ շողերի տակ հյուսում է մի չքնաղ մանրանկար, հար և նման Տաթևի դպրոցի ձեռակերտ մանրանկարներին: Ծանապարհին կրկին կանգ են առնում մեքենաները: Դուրս են գալիս կաթողիկոսները և մոտենում համախմբված հավատացյալներին, որոնք շրջապատել էին Խրիմյան Հայրիկի՝ 1908 թ. Տաթևի վանք այցելության հիշատակին կանգնեցված հուշասյունը: Ամենայն Հայոց կաթողիկոս Վազգեն Ա-ն սրբազան Աջը դնելով հուշասյունին, տալիս է իր հայրապետական պատգամը՝ վեր հանելով Խրիմյան Հայրիկի դյուցազնական ոգու վեհությունը:

Այստեղ խոսք է առնում նաև Գարեգին Բ կաթողիկոսը և բարձր գնահատում Վազգեն Ա-ի, որպես հայ ժողովրդի վերածննդի մեծ Հայրապետի, գործունեությունը:

Ուխտագնացությունը շարունակվում է:

Քիչ անց ավտոմեքենաները հասնում են Տաթևի վանքի գլխավոր դարպասին: Դարպասի մոտ հավաքված հազարավոր հավատացյալներ ցնծու-

թյամբ են ողջունում ժամանումը երկու Հայրապետների: Այստեղ Ամենայն Հայոց Հայրապետին և Գարեգին Բ կաթողիկոսին բարի գալուստ է մաղթում Տ. Ասողիկ եպս. Արիստակեսյանը: Սյունյաց թեմի հոգևոր դասը զույգ բուրվառների ճոճքով և «Հրաշափառով» երկու կաթողիկոսներին առաջնորդում է Տաթևի Ս. Պողոս-Պետրոս Մայր տաճար:

Բեմի առջև Վեհափառ Հայրապետները սկսում են կարդալ «Օրհնութիւնք Աստիճանաց» սաղմոսը, որից հետո բարձրանում են բեմ:

Հանում Սյունյաց թեմի հավատացյալների, ողջույնի հուզիչ խոսքով հանդես է գալիս Սյունյաց թեմի առաջնորդ Տ. Ասողիկ եպս. Արիստակեսյանը:

«Սիրելի հավատացյալ ժողովուրդ Սյունյաց աշխարհի,

Այսօր ցնծության մեջ է Հայաստանյայց Առաքելական Սուրբ Եկեղեցին. Սյունյաց նորաբաց թեմին այցելություն է տալիս Ամենայն Հայոց Հայրապետ Վազգեն Առաջինը՝ իր կողքին ունենալով իր կրտսեր եղբայր՝ Մեծի Տանն Կիլիկիո կաթողիկոս Գարեգին Բ-ին: Տաթևի այս սրբազան տաճարը, որպես մի սկիհ բարձրացած դեպի երկինք, դարերով ընդունել է Սուրբ Հոգու կենարար շնորհները և բաշխել իր հավատավոր զավակներին: Այն օրից, երբ Հիսուսի Ավետարանի ծաղիկը բացվեց և իր բույրն յարձակեց այս սրբազան հողում, քրիստոնեական հավատքը շաղախվեց հայոց սրբազան հողի կենսունակ ակունքներին, և այդ հավատախառնումից մեր լեռներն ի վեր բարձրացան մեր տաճարներն ու խաչքարերը: Մեր սրբազան աղոթարանների շարքում իր հատուկ տեղն ունի Տաթևի գերապանծ Աթոռը՝ որպես պաշտպան հայ ուղղափառ դավանության և որպես վարդապետանոց-սննդարան հայ մտքի և ոգեկանության: Ահա այս սրբարանին ուխտի է եկել այսօր Հայոց մեծ Հայրապետը: Եկել է ձեզ հետ մեկտեղ աղոթելու Ս. Գրիգոր Տաթևացու շիրմի առջև:

Ամենայն Հայոց կաթողիկոսը անցնող վերջին երկու տարիների ընթացքում վերստին կյանքի կոչեց Սյունյաց պատմական թեմը, որի կենտրոնն է հանդիսանում Տաթևի վանքը, թեմը օժտեց եպիսկոպոսական Աթոռով և իմ համեստ անձը առաջնորդ կարգեց ձեզ համար, սիրելի հավատացյալներ: Նոր ոգևորությամբ համակված՝ Նորին Սրբությունը մեծ ուշադրություն է դարձնում Սյունյաց աշխարհի այս շրջաններին, որովհետև քաջ գիտակցում է մեր երկրի հարավային մասի աշխարհագրական դիրքը: Լինելով նվիրյալ կաթողիկոսն Ամենայն Հայոց, առաքելական ջահն ստանալով իր նախորդներից, մեր մեծ Հայրապետը շարունակում է բորբոքել հայ հավատքի հուրը թե՛ Մայր Հայրենիքում և թե՛ սփյուռքում: Այսօր նա ձեզ հետ է: Ուխտի է եկել՝ ձեզ հետ աղոթելու:

Ո՛վ Հայրապետ Ամենայն Հայոց, տվե՛ք Ձեր հայրապետական առաքելաշունչ պատգամը, օրհնեցե՛ք Սյունյաց աշխարհի սրբազան հողը և այդ հողին նվիրյալ հավատավոր այս հոգիները: Ամեն»:

Ապա իր հայրապետական պատգամն է ավանդում Ամենայն Հայոց Վազգեն Ա կաթողիկոսը.

«Փառք քեզ Աստուած, փառք քեզ, յաղագս ամենայնի, Տէր, փառք քեզ»:

Այս մաղթանքն է բխում իմ սրտից այս նվիրական պահին, երբ, առա-

ջին անգամ լինելով իմ կյանքում, այցելում եմ այս նշանավոր աղոթքի տունը՝ Տաթևի վանքը, որի հոշակը պատմության ընթացքում մեծ նշանակություն է ունեցել և ունի ոչ միայն մեր ազգի, այլև համայն քրիստոնյա աշխարհի համար»:

Այնուհետև Նորին Սրբությունը հակիրճ պատմական ակնարկով նկարագրում է քրիստոնեության մուտքը Հայաստան և մանավանդ պետական կրոն դառնալը 301 թվականին՝ նշելով.

«2001 թվականին, երրորդ հազարամյակի լուսաբացին, Հայ Եկեղեցին, քրիստոնյա հայ ժողովուրդը պիտի տոնի Ս. Էջմիածնի կառուցման և Հայաստանի քրիստոնեացման 1700-ամյակը: Ահավասիկ, սիրելի ժողովուրդ, այս հին պատմությունը այսօր ուզեցի ձեզ ներկայացնել, որպեսզի ավելի ուժգին կերպով զգաք այս տաճարի խորհուրդը: Սա սովորական շինություն չէ: Այս քարերը սովորական քարեր չեն, հողի են, ոգի են, ոգեղինացած շինություն են, որոնք խորհրդանշում են մեր քրիստոնեական հավատքը, որի համար մենք հպարտ ենք: Այսօր ես այստեղ եկա չափազանց հուզված և զգացված: Երկու զգացումներ կան իմ մեջ: Ես երեսուներեք տարիներից ի վեր կաթողիկոս եմ և մինչև հիմա չեմ եղել Տաթևի վանքում: Գալիս եմ ուշացումով: Գուցե լավ եղավ, որպեսզի Ամենայն Հայոց կաթողիկոսը և Տանն Կիլիկիո կաթողիկոսը ընդունվեն այսպես՝ համաժողովրդական ցնծությամբ և մեր պետական իշխանությանց առաջնորդությամբ:

Այս բոլորը մենք պարտական ենք վերջին տարիներին վերակառուցման հետևանքով տեղի ունեցած փոփոխություններին կյանքի բոլոր ասպարեզներում, մաս եկեղեցական-կրոնական ասպարեզում: Նոր ճանապարհ է բացվում մեր Եկեղեցու առաջ, և այդ ճանապարհով ավելի ազատ և ավելի համարձակ առաջ պիտի ընթանանք՝ շրջապատված ձեզնով, մեր ողջ ժողովրդով, որպես ճշմարիտ և հարազատ հետնորդները Սուրբ Գրիգոր Լուսավորչի: Մանավանդ այս վերջին ամիսներին բազում հափական մոր վանքեր և եկեղեցիներ բացում են իրենց դռները, վերանորոգություններ են սկսվում մեր պետական իշխանությանց օժանդակությամբ և քաջալերանքով ոչ միայն Հայաստանում, այլ մաս Խորհրդային Միության մյուս համրապետություններում: Ռուսաստանում բացվեց Լենինգրադի հայոց եկեղեցին, հավանաբար շուտով մի եկեղեցի բացվի Ռիգայում, հույս ունենք մաս Վրաստանում բացել մոր եկեղեցիներ: Ուզում եմ այստեղ կարևորությամբ ձեզ հաղորդել, որ Լեռնային Ղարաբաղում՝ մեր հայկական Արցախում, շուտով բացվելու են Գանձասարի և Ամարասի վանքերը, Հաղրութի և Մարտակերտի եկեղեցիները, թերևս մոտ ապագայում մի եկեղեցի ունենանք մաս Ստեփանակերտում: Ղարաբաղում արդեն սկսվել են որոշ վերաշինական աշխատանքներ: Մենք նշանակել ենք այնտեղ մի եպիսկոպոս և 5—6 վարդապետներ, որոնք շուտով գնալու են Ղարաբաղի ժողովրդին հոգեկան մխիթարություն բաշխելու: Եվ ինչպես դուք այստեղ, այնտեղ էլ ձեր քույրերը և եղբայրները, մույն հավատքով տոգորված, մույն ոգևորությամբ, մույն ազգային խանդավառությամբ շրջապատում են մեր հոգևորականներին, որպեսզի կարճ ժամանակի ընթացքում ամբողջապես վերաշինեն այնտեղի վանքերը և եկեղեցիները, և հայ ժողովուրդը իր բնական կյանքի ճանապարհի մեջ մտնե մաս կրոնական-եկեղեցական իմաստով:

Այս քարերի մեջ ինչ-որ խորհրդավոր մի գործություն կա: Հայկական դասական հին ճարտարապետությունը ես զգում եմ հիմա այստեղ ավելի, քան ուրիշ տեղ: Այդ ճարտարապետությունը կարծես շարունակությունն է այս լեռնաշխարհի բնության: Ոգեղինացած լեռներն են, որ այս կերպարանքով շարունակում են դեպի երկինք բարձրացնել իրենց կատարները:

Սիրելի ժողովուրդ, ես չափազանց գոհ եմ, որ այսքան մեծ թվով եկել եք այստեղ և մեծ մասամբ երիտասարդներ եք: Ծառ լավ է: Ջեզմանով կվերանորոգվի հայ ժողովուրդը հոգեպես, և կվերածաղկեն Հայ Եկեղեցին ու հայ ոգեկանությունը մեր Հայաստան աշխարհում:

«Ողջ լերուք զօրացեալ Սուրբ Հոգով և յաւետ օրհնեալ ի Տեառնէ և ի մէջ. ամէն»:

Հավատացյալ ժողովուրդին ուղղված հետևյալ սրտառու խոսքով հանդես եկավ նաև Մեծի Տանն Կիլիկիո կաթողիկոսը.

«Սիրեցյալ եղբայր՝ Ամենայն Հայոց Վեհափառ Հայրապետ Վազգեն Ա կաթողիկոս, սիրելի հոգևոր եղբայրներ և թանկագին հավատակից, արյունակից, անվանակից և ճակատագրակից եղբայրներ և քույրեր: Ես գալիս եմ արտասահմանից: Ես չեմ ծնվել Հայաստանում: Ես Կիլիկիան չեմ կարողացել տեսնել, որովհետև թշնամին հայությունը դուրս մղեց Արևմտահայաստանից ու Կիլիկիայից, և մենք աշխարհով մեկ ցրվեցինք: Բայց այսօր ես «Փառք քեզ, Աստված» եմ ասում, որ իմ հարազատ աշխարհի մեջ եմ և մանավանդ մեր հայրերի շնչով, քրտինքով և արյունով բարեբեր դարձած Սյունյաց աշխարհի մեջ»:

Գարեգին Բ կաթողիկոսն այնուհետև ուրախություն հայտնեց Սյունյաց թեմի վերահաստատման առթիվ, խոսեց հայեցի ոգու դաստիարակության գործում Հայաստանյայց Եկեղեցու ունեցած դերի մասին, ապա իր խոսքն ավարտեց՝ նշելով.

«Այսօր ես իմ շնորհակալությունը և գնահատությունն եմ հայտնում մեր հայրենի պետությանը, նրա ներկայացուցիչներին, որոնք իրենց աչքի բիբի պես խորին գուրգուրանքով են պահում այս տաճարները: Օրհնյալ լինեն ձեր ձեռքերը, աշխատավոր եղբայրներ: Դուք մուրճով քարին նոր կյանք եք տալիս և այս վանքը վերածաղկեցնում ...Այսօր հոգեկան կերպարանափոխության, պայծառակերպության, վերածննդյան օր պիտի լինի բոլորիս համար: Սիրելի երեխաներ, օրհորդներ, պատանիներ, Ամենայն Հայոց կաթողիկոսը Աստուծո խոսքն է բերում ձեզ, այդ խոսքը առեք հացի պես, ջրի պես և լցրեք ձեր հոգիները: Մարդը միայն միս ու ոսկոր չէ: Մարդը հոգի է, մարդը ազգ է, պատիվ ունի, ապրեցեք այդ պատվով, Քրիստոնեական հավատքով և ազգային ինքնագիտակցությամբ:

«Յաւել ի մեզ, Տէր Ամենակալ, զհաւատ, զյոյս, և զսէր. ամէն»:

Գորիսից ժամանած մանկավարժական ուսումնարանի սաները Մայր տաճարում կատարում են կրոնական և հայրենասիրական երգեր: Ապա Հայոց Հայրապետը իջնում է բեմից և թափոթի ուղեկցությամբ առաջնորդվում տաճարի հարավային մասում գտնվող Ս. Գրիգոր Տաթևացի վարդապետի մատուռ-դամբարանը: Այստեղ Ամենայն Հայոց Հայրապետը և Գա-

րեզին Բ կաթողիկոսը առանձնանում են և աղոթում, ապա երկյուղածությամբ խոնարհվում մեծ Սյրբի անյունի առջև: Այնուհետև երկու կաթողիկոսներն ու շքախմբի անդամները ծանոթանում են հոչակավոր վանքի կառույցներին:

Տաթևի Մայր տաճարը կառուցվել է 895—906 թվականներին: Տաճարին կից, հարավային կողմում, 1295 թ. Ստեփանոս Օրբելյանի կառուցած Ս. Գրիգոր Լուսավորիչ եկեղեցին է: Վանքի հյուսիսային կողմում, բարձունքի վրա, վեր է խոյանում Ս. Աստվածածին եկեղեցին՝ կառուցված 1087 թվին: Վանքը ամբողջությամբ պարսպապատ է. պարիսպների ներսում են տեղադրված միաբանական խուցերն ու օժանդակ շինությունները: Պարըսպից դուրս գտնվում են ձիթհանն ու համալսարանի շենքը: Դարերի ընթացքում Տաթևի վանքը բազմիցս ենթարկվել է օտար զավթիչների ասպատակություններին: Այն մեծ վնաս է կրել հատկապես երկրաշարժներից: 1931 թվականի երկրաշարժը գրեթե հիմնովին կործանում է վանքի կառույցները: 1971 թվականից սկսվել են վերականգնման աշխատանքները: Վանքը համարյա հիմնովին վերականգնվում է:

Տաթևի վանքից ավտոմեքենաների շարասյունը ուղևորվում է Գորիս: Քաղաքի մուտքից սկսած մինչև հրապարակը, ամենուր համախմբած են հավատացյալները և ոգևորությամբ ողջունում են Հայոց Հայրապետին: Միլիար Սպարապետի անվան հրապարակում շուրջ 30.000 հավատացյալներ խանդավառ բացականչություններով դիմավորում են Հայ Եկեղեցու իշխանավորներին: Այստեղ Վեհափառ Հայրապետը ուրախության հուզմունքով տալիս է իր հայրական պատգամը:

Նորին Սրբությունը նախ խոսում է Ս. Էջմիածնի Մայր տաճարի հիմնադրության խորհրդի մասին, հատուկ կարևորությամբ ընդգծում շարականագրի «Էջ Միածինն ի հօրե եւ լոյս փառաց ընդ մմա» արտահայտությունը, և շարունակում «Իբրև ժողովուրդ, հայ ժողովուրդը կար քրիստոնյա լինելուց առաջ: Բայց հայ ժողովրդի ազգային ոգին, իբրև ազգություն, կազմակերպվեց հատկապես այդ ոգեկան լույսով: Այդ ոգեկան լույսով Ս. Մեսրոպ գտավ մեր այբուբենը և պարզեց մեր ազգին: Այդ ոգու լույսով թարգմանվեց Ս. Գիրքը 5-րդ դարի սկզբին, և հիմքը դրվեց հայոց գրականության: Այդ նույն ոգեկան լույսով Ս. Վարդան Մամիկոնյան Ավարայրի դաշտում հերոսական կռիվ մղեց ընդդեմ զրադաշտական Պարսկաստանի, հանուն հավատքի և հայրենիքի ազատության: Այդ ոգու լույսով կազմավորվեց և պայծառակերպվեց հայ ժողովրդի հոգեկան աշխարհը, նրա բարոյական դիմագիծը, նկարագիրը: Այդ ոգեկան լույսով մեր ազգը ապրեց դարեր շարունակ, երբեմն շատ դժվարին պայմաններում, բայց միշտ հաղթական, վերագտավ իր կյանքը, իր կյանքի խաղաղությունը և մանավանդ կարողացավ իր ուժերը մեկտեղել և ստեղծել մոր կյանք, մոր վերածնունդ, մոր արշալույս: Այդպես եղավ նաև 1915-ից հետո: Մոտ երկու միլիոն մահատակներ զոհ գնացին օսմանյան բարբարոսության և մահատակվեցին անասելի տառապանքների մեջ: Հայ ժողովուրդը հասավ գրեթե հուսահատության անդունդի առաջ, բայց, այնուամենայնիվ, իր ոգին չկորցրեց, հավաքեց իր բոլոր ուժերը և Սարդարապատի փառավոր հաղթանակով ստեղծվեց իր մոր հայրենիքը, որ մինչև մեր օրերը շարունակում է իր վերելքը, առաջընթացը, ա՛յն հայրենիքը՝ այսօրվա Խորհրդային Հայաստանը, որի քաղաքացիներն եք դուք բոլորդ հպարտորեն:

Ապա Նորին Սրբությունը բաշխեց իր օրհնությունը հետևյալ խոսքերով.

«Իմ ողջույնը և իմ օրհնությունը ձեզ բոլորիդ: Մաղթում եմ ամենքիդ ուժ, եռանդ, կարողություն, բոլոր դժվարությունները հաղթահարելու կորով, որովհետև մեր հաղթանիքը վերահաս սաստիկ երկրաշարժից հետո մեծ փորձության ենթարկվեց, և երևի տակավին մի քանի տարիներ ծանր վիճակ պետք է շարունակի տիրել մեր երկրում, հատկապես աղետալ շրջաններում: Բայց մենք մույն ժողովուրդն ենք, որ չգիտենք հուսահատվել, չգիտենք տկարանալ. ընդհակառակը, այս դժվար փորձության օրերին պետք է ամենքս՝ ժողովուրդ, պետական իշխանություն և սփյուռքի հայություն, դառնանք մեկ սիրտ, մեկ հոգի, մեկ մպատակ՝ հաղթահարելու համար ամեն դժվարություն, ստեղծելով մեր երկրում հետզհետե ավելի բարօր վիճակ, ավելի կարգապահ վիճակ: Ահա այս բաղձանքով, այս մաղթանքով ես դիմում եմ ձեզ և կրկին բաշխում Աստուծո օրհնությունը Ս. Էջմիածնից. ամեն»:

Ապա հավաքված հոծ բազմությանը դիմեց Մեծի Տանն Կիլիկիո Գարեգին Բ կաթողիկոսը՝ հետևյալ ոգեշունչ խոսքով.

«Սիրեցյալ և հավատարիմ հայրենակիցներ,

Կյանքիս երջանկագույն պահերից մեկն եմ ապրում այսօր: Այս երկօրյա այցելությունը Ամենայն Հայոց Հայրապետի՝ Վազգեն Ա կաթողիկոսի հետ, պատմական նշանակություն ունի ոչ միայն ձեզ համար, այլ նաև մեզ համար: Ուրախ եմ, որ այս հրապարակում համախմբված է մանավանդ մեր սերունդը, գալիք սերունդը: Մենք եղանք Եղեգնաձորում, եղանք Սիսիանում և այս առավոտ եղանք նաև Տաթևի վանքում: Մեր ամբողջ պատմությունը եկավ և ներշնչեց մեզ: Աստված երկիր է իջել և քարեղեն կերպ է ստացել Տաթևի վանքով: Դուք կենսունակ ոգով ժողովուրդ եք: Դուք մեր մոր կյանքի դրոշմն եք բերում հայությանը:

...Երբ վերադառնամ արտասահման, պիտի պատմեմ, թե Գորիսի մեջ, Սյունյաց աշխարհի մեջ մեր ժողովուրդը հողից կյանք է կերտում, Լեռնականանի վերքն է դարմանում մոր ծնունդներով, բազմաճյուղ երիտասարդությամբ՝ սպասելով վարդապետի արշալույսին, որ մեր ապագան է լինելու:

Թող Աստուծո օրհնությունը լինի ձեզ վրա»:

Հանուն զանգեզուրցիների Վեհափառ Հայրապետին հանձնվեց հետևյալ հուշագիրը.

ՎԵՀԱՓԱՌ ՎԱԶԳԵՆ ԱՌԱՋԻՆԻՆ

Ձեր այցելությունը Գորիսի շրջան անմոռաց է ու պատմական: Խրիմյան Հայրիկից հետո Ամենայն Հայոց կաթողիկոսը առաջին անգամ է Տաթևում:

Մեր լեռնաշխարհը, որտեղ չարյաց սերմը երբևէ բույն չի դրել, միշտ եղել է անսասան ու ամրակուր՝ խորապես հավատացած հայ ժողովրդի պայծառ ապագային:

Վեհափառ Տեր, բացառիկ կարևոր է Ձեր խաղացած դերը բովանդակ հայության կյանքում, մեր ժողովրդի մորօրյա պատմության մեջ: Ծանկանում ենք Ձեզ երկար տարիների կյանք, ամուր առողջություն և իրականացում Ձեր բոլոր մտահղացումների՝ ի փառս մեր հնամենի, հերոսական ու տա-

դանդալոր ժողովրդի: Ձեր սրբազան աջը թող հովանի լինի Հայոց աշխարհի և համասփյուռ հայության վրա:

Ձեզ նվիրում ենք մեր հիմնավորց երկրամասի խորհրդավոր ու անկյրկնելի բնության ու ճարտարապետական կոթողների պատկերները, մեր բովանդակ հոգու ջերմ սերը:

Զանգեզուրցիների բարի մաղթանքներն ընդ Ձեզ...

27 ապրիլի 1939 թ.

Ք. Գորիս

Այնուհետև երկու Հայրապետները իրենց շքախմբերով այցելում են հրապարակի վրա գտնվող «Ժամանակակից արվեստի թանգարանը» և ծանոթանում հայ կերպարվեստի վարպետների աշխատանքներին:

Ի պատիվ Հայ Եկեղեցու իշխանավորների, Գորիսի քաղաքային իշխանությունները կազմակերպում են ճաշկերույթ, որի ընթացքում բարիգալստյան ջերմ խոսքեր են արտասանվում և սրտագին մաղթանքներ արվում երկու Վեհափառներին: Այստեղ մույնպես իր պատգամն է բաշխում Ամենայն Հայոց Վեհափառ Հայրապետը:

ՎԵՀԱՓԱՌ ՀԱՅՐԱՊԵՏԻ ԽՈՍԷԸ ԳՈՐԻՍՈՒՄ ԾԱԾԿԵՐՈՒՅԹԻ ՊԱՀԻՆ

Նախ ես կուզեի իմ շնորհակալությունը հայտնել թամադային, որ կենաց առաջարկեց մեր Եկեղեցու, մեր հոգևորականներին համար: Երկրորդը՝ իմ անկեղծ գոհունակությունը տեղի իշխանություններին, որոնք բացառիկ հանդիսավորությամբ կազմակերպեցին մեր այցը Գորիս: Երկուքս էլ չէինք սպասում, ճիշտն ասած: Այդպես սկսվեց Եղեզնածորից և մինչև այստեղ: Այսօր մեր այցելությունը հասնում է իր ավարտին: Չգիտեմ, կըրկին անգամ պիտի կարողանամ գալ, համեմայնդեպս ցանկանում եմ գալ, որովհետև իսկապես հիասքանչ աշխարհ է այս շրջանը: Բնականաբար շատ բան գիտեի Զանգեզուրի և Սյունյաց աշխարհի մասին, բայց ուրիշ բան է կարդալ, ուրիշ բան է լսել ուրիշներից կամ նկարներից: Բոլորովին այլ տպավորություններ կրեցինք և ուժեղ կերպով ազդվեցինք, ոչ միայն պարզապես աչքի հրապուրելի տեսարաններով, այլ հոգեպես ցնցվեցինք: Այժմ մենք իրական, ամբողջական Հայաստանը ճանաչեցինք: Ուրեմն շնորհակալ ենք ձեր այսպիսի հանդիսավոր ընդունելությունների համար: Մեր կյանքում անջնջելի հիշատակներ պիտի մնան դրանք և մենք պիտի վերադառնանք ավելի լավատես և ավելի ոգեշնչված, մեր Եկեղեցու ապագա առաքելության առնչությամբ:

Եկեղեցում անտարակույս վերջին տարիների բարեփոխումներին Խորհրդրդային Միության մեջ, այն, ինչ արտահայտվում է «պերեստրոյկա», «դեմոկրատիզացիա» գաղափարներով դրանք զգում ենք մենք բոլորս, որ լուրջ խոսքեր չեն, այլ հսկայական ճիգեր, որպեսզի այս երկիրը վերագտնե իր ճշմարիտ վերակառուցման ճանապարհը թե տնտեսական գետնի վրա, թե մշակութային, կրթական ու գիտական, այդ թվում նաև կրոնական կյանքի մակարդակի վրա: Նորեն բազմաթիվ մոր եկեղեցիներ բացվեցին Հայաստանում, և Արցախում, Ռուսաստանում: Նաև հիմնական մի միջոցառման ձեռնարկեց մեր պետությունը, այն է օժտել Խորհրդային Միու-

թյունը մի օրենքով, որ վերաբերում է խղճի ազատության, այսինքն կրոնի ազատության:

Պետք է ասեմ, որ մեզ մոտ Եկեղեցական կյանքը, պատերազմից հետո, հատկապես վերջին երեսուն տարիներին, իմ շրջանին, բավական բնականոն հունի մեջ մտավ: Ես միշտ վայելեցի բարյացակամ վերաբերմունք, զգացի մեր հայրենի պետության ցանկությունը, որ Հայաստանյայց Եկեղեցին՝ Մայր Աթոռ Ս. Էջմիածին, հետզհետե առավել վերաշինեն և զորանան: Բայց մեկ բան պակաս էր իրավական տեսակետից: Հիմա, մոր օրենքով, որ պիտի հռչակվի քիչ ժամանակ հետո, Եկեղեցին ստանում է իրավական անձի իրավունք, Խորհրդային օրենսդրություն կառույցին մեջ: Սա բոլորովին նորություն է մեր երկրում, և հիմնական, շատ կարևոր նորություն: Սա, պարզապես բարյացակամ վերաբերմունք չէ, այլ օրինական վերաբերմունք մյ ղեպի կրոնական հաստատությունները, ղեպի Եկեղեցին: Այսպիսով, ահավասիկ, լայն հեռանկար բացվում է օրինավորապես եկեղեցու առաջ:

Այդ օրենքի նախագիծը Մոսկվայից ուղարկված է մաև մեզ՝ Էջմիածին, որպիզի ծանոթանանք և գուցե մեր դիտողությունները կամ առաջարկությունները ներկայացնենք:

Այս բոլորը խոսում են այն մասին, որ մեր երկրում կատարվող վերափոխումները, հիմնական վերափոխումներ են, նույնիսկ ասվում է, որ հեղափոխության մեջ հեղափոխություն է: Մանավանդ մեր փոքրիկ ժողովուրդը առավել շահագրգռված է իմ կարծիքով, որ իրապես հաջողվի և հաղթանակի, այն, ինչ բնորոշվում է վերակառուցում ասելու, պետք է հոգով-սրտով ցանկանք, որ անպայման հաջողվի այդ, հայաստանի ժողովրդի համար կենաց-մահու հարց է:

Այս մտորումներով կրկին իմ շնորհակալությունն եմ հայտնում և բարձրացնում եմ իմ բաժակը մեր ժողովրդի և մեր վերածնված Խորհրդային Հայաստանի կենացը:

Ապա շնորհակալության խոսք է ասում Մեծի Տանն Կիլիկիո Գարեգին Բ կաթողիկոսը, որից հետո տեղի է ունենում նվերների փոխանակում:

Ծաշկերույթն անցնում է խանդավառ մթնոլորտում:

Հավարտ ճաշկերույթի երկու Հայրապետները իրենց շքախմբի անդամներով Գորիսից վերադառնում են Մայր Աթոռ Ս. Էջմիածին անմոռանալի տպավորություններով:

ԱՍՈՂԻԿ ԵՊԻՍԿՈՊՈՍ ԱՐԻՍՏԱԿԵՍՅԱՆ

